



Te Avae Tinunu 1959

TE HEHEURAA API

Te Parau Faaiteraā A Petero.

(Mataio 16.)

Ua rave rahi te mau parau tei haere atu no nia ia Iesu i rotopu i te mau taata ra. Te maere noa râ ratou e, o vai mau oia ra. Ua mana'o te tahi pae e, o te Mesia oia, e te mana'o ra te tahi pae e, o te hoê peropheta rahi oia; te mana'o râ hoi te tahi pae e, o Ioane Bapetizo oia tei ora faahou mai, e te vai faahou ra te tahi pae tei mana'o e, o oia ia te hoê o te mau peropheta tahito tei ho'i faahou mai no te hoê tumu miterio mau ra.

Ua hinaaro Iesu ia ite oia i te mana'o o to'na ra mau pīpī. Ani atura oia i ta'na mau pīpī, "*O vai au te Tamaiti a te taata nei i ta te taata nei parauraa?*"

Pahono maira ratou, "*O Ioane Bapetizo ta vetahi, o Elia ta te tahi pae, o Ieremia hoi, e o te hoê o te mau peropheta ra ta vetahi.*" Ua parau atura oia ia ratou, "*O vai râ vau nei i ta outou na parauraa?*"

Parau maira Petero, ma te i to'na varua i te varua o te parau faaite, "*O te Mesia oe, te Tamaiti a te Atua ora ra.*"

Mauruuru ihora Iesu e na ô atura oia ia Petero, "*E ao to oe e Simona Bare-iona, e ere ta te taata i faaite mai ia oe i te reira, na tau Metua râ i te ao ra. E parau atoa' tu vau ia oe, O Petero oe, e ei nia iho i teie nei papa e patu ai au i tau Ekalesia, e e ore roa ia e noaa i te uputu o hade.*"

E ohipa rahi mau tei tupu i taua taime ra. Ua tae mai te varua faaite i nia ia Petero. Ua heheu mai te Metua ia'na e, o Iesu ra, o te Mesia ia. E ua navai to Petero itoitō no te faaite atu i ta'na parau faaite.

E mea faufaa rahi i to te Atua beheuraa mai i te parau ia Petero. Ua haamaitai-noa-hia mai te mau aratai o te Ekalesia mau na roto i te fariiraa i te beheuraa. E aita i

maoro i muri iho riro atura Petero ei upoo no te mau apose-
tolo, e no reira ei upoo atoa no te Ekalesia ra. No reira e
mea tia ihoa ia farii oia i te heheuraa no ō mai i te Fatu. E
mea tia ia ite oia e, o Iesu ra, o te Mesia mau ia. Eita te
reira faaiteraa e noaa ia'na na roto noa i te hi'oraa i te mau
semeio i ravehia e Iesu ra. Ia noaa mau ihoa ia'na te hoê
ravea e ite mau ai oia ra. E ua na roto ana'e i te heheuraa
to te Fatu aratairaa i ta'na Ekalesia e aita â taua ravea ra i
haavîhia e te varua ino ra. E no reira o Iesu i parau atu
ai, no nia i taua heheuraa, "*E ei nia iho i teie nei papa e
patu ai au i tau Ekalesia, e e ore roa ia e noaa i te uputa o
hade.*"


No to'na oaoa i te mea ua farii ta'na mau pîpî i te
parau faaite no to'na ra huru mau, haapîi faahou atura Iesu
ia ratou i te parau no'na iho ra; aita oia i haere noa mai i
nia i te fenua nei no te haapîi atu i te evanelia, ua haere
atoa-maira oia ia pûpûhia oia ei tusia no te faaoreraa i te
hara a te mau taata atoa. Ia ore ana'e te reira tusia eita
roa ia e tia ia'na ia riro ei Faaora. E tufaa mau ihoa te
reira no te ohipa tei fariihia e ana, i roto i te apooraa rahi i
te ra'i, a fariihia'i ta'na opuaraa e te Metua, e te patoiraa-
hia ta Lucifera ra.

I to'na parauraa'tu i te mau hamani-ino-raa e te mau
haamauiuiraa ta'na e farii no te rima mai o te mau aratai o
te ati Iuda e te mau tahu'a rahi ra, e i te hopea, e tapara-
hihia oia, ua parau atoa'tu oia e, e faatia-hia-mai oia i nia,
mai te pohe mai, i te toru o te mahana ra.

Ua here roa o Petero i te Fatu e aita roa oia i hinaaro
ia farii oia i te mauuiui. Aita râ i haroaroa maitai-hia e ana
te opuaraa a te Fatu ra. I to Iesu parauraa'tu i to'na pohe
o te fatata maira, na ô atura Petero, "*Eiaha roa ia, e te
Fatu, eiaha roa oe ia na reirahia mai.*" Ua faanapa rii
mai Iesu ia'na no to'na taa ore mai te parau atu e, "*Aore
hoi oe i au i ta te Atua ra, o ta te taata râ ta oe i au.*"

Faaite atoa'tu ra Iesu i ta'na mau pīpī e, e titau-atoa-hia'tu te mau tusia i nia ia ratou mai te mea e taman noa ratou i te haapao i ta'na ra ohipa. "*O te taata o te hinaaro i te pee mai ia'u, e faarue oia ia'na iho, a rave ai ta'na satauro, a pee mai ai ia'u. O tei hinaaro hoi i te tapea i to'na ora, e ere ia i te ora; e o tei tia ia'na i te tuu i to'na ora ia'u nei, e roaa ia ia'na te ora. Eaha ta te taata faufaa i noaa, ia noaa ia'na te tao'a atoa o teie nei ao, ia ere oia i te ora? Eaha hoi ta te taata e ore e horoa ei hoo i ta'na iho ora?*"

Haapiihia'tura te mau pīpī ia faaore ratou i te haapao ia'na iho. Ia hinaaro râ ratou i te pūpū atu i ta ratou atoa ra maitai, e to ratou taime, no te paturaa i te basileia o te Atua. Mai te mea eita ratou e rave i te reira, eita ia e tia ia parauhia ei mau pīpī ratou no'na ra. E mea faufaa rahi a'e i te haapaoraa i te hinaaro o te Fatu i te imiraa i te mau faufaa o teie nei ao; no te mea, mai te mea e noaa ia tatou te faufaa rahi, e mo'e ia, ia tatou, to tatou mau varua, e eaha'tura ia te ohipa maitai i ravehia e tatou nei? E mea maitai a'e i te faaora i to tatou mau varua, e i te tauturu atu hoi ia faaora ia vetahi ê atu, i te raveraa'tu i te tahi mau ohipa i roto i te oraraa nei. Eita e tia ia faa faitohia te mau tao'a o teie nei ao i te mau faufaa rahi o te evanelia.



To Iesu Faahuru - ê - Raa-hia.

(Mataio 17.)

Ua riro o Petero, Iakobo e o Ioane ei mau hoa piri roa no te Faaora. I roto i te mau taime ohipa rahi no'na ra, i roto i te oaoa, e aore ra, i roto i te oto, tei pihai noa iho teie na taata tootoru ia'na ra.

I te hoê mahana aratai atura oia ia ratou i nia i te hoê mou'a teitei roa. E i to ratou taeraa i reira ua parahi taa ê atura oia ia ratou e inaha, parahi maira te hanahana o te Atua i nia ia'na. Anaana'tura to'na mata mai te mahana ra, e teatea'tura to'na ahu mai te maramarama ra. E te tauraa tei tae mai i nia ia'na ra, ua parauhia te reira i te faahuru-ê-raa.

E a tia'i oia i roto i to'na faahuru-ê-raahia fa maira na peropheta tahito i pihaiho ia'na, oia hoi o Mose raua o Eliaha, te Elia i parauhia i roto i te Bibilia. Ua afai tinohia o Mose na roto i te faahuru-ê-raa-hia o to'na ra tino, i na matahiti e rave rahi tei pau na, i muri a'e i to'na aratairaa i te tamarii a Iseraela i Paletetina na roto i te medebara, mai Aiphiti mai. E i teie nei ua fa tino faa-huru-ê-hia mai oia e te amui ra oia e te Faaora.

O Eliaha ra, o te hoê ia o te mau peropheta rarahi tei tama'i noa i te ohipa haamori idolo i roto ia Iseraela ra. Ua ravehia oia i nia i te ra'i, na roto i te hoê pereoo auahi, e aita roa oia i ite i te mauui o te pohe ra. E i teie nei ua fa mai e te aparau râ oia e te Faaora.

Tapo'ihia maira ratou i te hoê ata anaana, e inaha, te hoê reo maira no roto mai i taua ata ra, i te na ôraa mai e, "*O Tau tamaiti here teie, ua mauruuru roa vau ia'na; a faaroo ia'na.*" O te reo ia te reira o te Metua, tei parau mai e, o Iesu ra, o Ta'na ia Tamaiti, te Mesia e te Tarae-hara o te ao atoa nei.

I to Petero, Iakobo e Ioane faaroora'a'itu i te reo o te Atua i te faaiteraa mai e, e Tamaiti na'na o Iesu, mātā'u ihora ratou, e tipapa ihora ratou i raro. Haere maira Iesu ia ratou, faatiaia'tura ia ratou ma te parau atu e, "*A tia, eiaha e mata'u.*" E i to ratou nânâ raa i to ratou mata i nia, ua reva ê atu te hanahana e ua mo'e ê atu te ata no te ra'i no roto mai te reo o te Atua i te faaroora-hia-mai; e aita atoa o Mose e o Eliaha faahou i reira, o Iesu ana'e te tia noa ra.

Ite atura na pīpī e toru ra e, ua iteabha e ratou te hoê faaiteraa rahi no te ra'i mai. Ua hinaaro ratou i te faatia i na fare autâ e toru i nia i te mou'a, hoê na te Faaora, hoê na Mose e te tahi ra, na Elia ia. Area ra, rave atura Iesu ia ratou e aratai maira ia ratou, mai nia mai i te mou'a ra, e i to ratou pouraa mai ua na ô atura Iesu ia ratou, "*Eiaha roa outou e faaite i te taata i ta outou i ite nei. e ia tia-faa-hou-mai te Tamaiti a te taata nei mai te pohe maira.*"

I to ratou taeraa mai i roto i te peho ra, haere maira te hoê taata, no roto mai i te rahiraa o te mau taata, i te Faaora ma te parau atu ia'na e, "*E te Fatu, e aroha mai oe i tau tamaiti, e lunati hoi oia, e pohe rahi roa to'na, e te hi'a pinepine hoi i roto i te auahi e i raro i te pape. E na hopoi hoi au ia'na i to mau pīpī ra, aita râ oia i ora ia ratou.*"

Ua ite Iesu e, ua tomohia taua tamaiti ra i te hoê demoni. Avau atura oia i te reira e ora'tura taua tamaiti ra i taua taime ihora ra.

E i muri a'e haere maira te mau pīpī ia Iesu ma te ani atu ia'na e, eaha ra ia te tumu aita i tia ia ratou ia faaora i taua tamaiti ra. Pahono atura oia, "*No to outou faaroo ore*". E i reira na ô atura oia ia ratou, "*Ahiri e faaroo to outou, e mai te hoê huero sinapi noa iho te rahi, e tia ia ia outou ia parau noa'itu i teie nei mou'a, A haere i ô atu, e na'na ia e haere noa; e aita roa e mea e ore e tia ia outou.*"

E i muri iho i te reira faaite atura oia ia ratou e, eita te huru o te demoni tei tomo i roto i taua tamaiti ra, e pee ê atu maori râ ia na roto i te haapaeraa i te maa e te pure.

E i reira haere maira te hoê taata apî, e faufaa rahi ta'na, i te Faaora e na ô maira oia, "*E te Orometua maitai ra, eaha ta'u ohipa maitai e rave e noaa'i te ora mure ore ia'u?*" Ua mana'o noa paha oia e, ia rave noa'-tu oia i te tahi noa'tu mea, e noaa ia ia'na te ora mure ore. Aita roa oia i haroaroa noa'tu i te mau e'a a te Fatu ra.

Pahono atura Iesu ia'na, "*Te hinaaro na oe ia noaa te reira ora, a huapao i te mau ture ra.*" Ui maira taua taata apî ra, "*I teihea ture?*" I reira faahiti atura Iesu i na Ture Hoê Ahuru, e na ô maira taua taata apî ra e, "*Ua hope te reira i te haapaohia e au, mai to'u apîraa mai â; eaha iho â tei toe ia'u?*" Ua parau atura Iesu ia'na, "*Ia hinaaro oe e ia maitai roa, a tii a hoo i ta oe atoa ra, a hopoi atu ai na te taata rii, e e tao'a ta oe i reira a haere mai ai a pee mai ia'u.*" I te faarooraa taua taata apî ra i te reira parau, haere ê atura ma te oto; e tao'a rahi hoi ta'na. Ua hau to'na here i te reira i te here atu i te Fatu. E a ite ai te Fatu ia'na i te haereraa'tu fariu ihora oia i ta'na mau pîpî e na ô atura: "*E faaô taiata te taata tao'a i te basileia ra o te ao.*" Maere ihora ratou i te reira parau e no reira ani atura ratou ia'na, "*O vai hoi te taata e ora?*" Na ô atura oia ia ratou, "*E faaô ohie a'e te hoê kamela na roto i te apoo au, i te taata tao'a ia faaô i roto i te basileia o te Atua ra.*"

E ei pahonora'a'tu i te nîraa a te mau pîpî, "*O vai hoi te taata e ora?*" na ô atura oia, "*Eita mau ia e tia i te taata nei; e tia râ te mau mea atoa nei i te Atua.*"

Ua maere te tahi mau taata i te mea e ô anei te hoê kamela na roto i te apoo au ra. Ua na ô mai te mau feia haapii Bibilia e, te vai ra, i roto i te aua rahi o te faaati ra i Ierusalem, te hoê uputa iti o te ravehia i te taime a opañibia'i te mau uputa rarahi o te oire ra. Ua itehia te reira uputa iti i raro a'e i te i'oa te apoo au. E mea fifi rahi na te hoê kamela ia pi'o e ia tomo atu na roto i taua uputa ra. Te mana'o nei te tahi mau taata imi no nia i te Bibilia ra, ua faahiti te Faaora i te parau no taua uputa ra.

Marcel Bonnet

LES "ARTICLES DE FOI"

Etant donné que la base de toute religion c'est une croyance en Dieu, n'est-il pas raisonnable que le premier principe soit celui de la foi en Dieu? Bien sur! Mais comment savoir que Dieu vit et qu'il est conscient de nous?

Il y a trois domaines dans lesquels on peut obtenir des preuves au sujet de Dieu. Il y a l'histoire et la tradition, la raison humaine et la révélation directe.

Dans toute l'histoire, écrite ou non, de l'humanité, nous trouvons la présence d'une croyance en Dieu. Avant que les hommes se mettent à écrire leur histoire, les croyances en Dieu et les histoires concernant Dieu étaient transmises de génération en génération. La Sainte Bible fait partie des annales humaines les plus anciennes. On y trouve des faits tels que ceux-ci:

- (1) Dieu créa toutes choses.
- (2) Il se révéla, en personne, à Adam et à Eve, nos premiers parents.
- (3) Qui Dieu est fut enseigné à tous les enfants d'Adam et à ses descendants, Seth, Méthuselah, Noé, Abraham, Isaac, Jacob, et Moïse.

L'adoration est un sentiment naturel de l'homme. L'homme cherche Dieu ou en Dieu jusqu'à ce qu'il trouve ce qui le satisfait. Il est raisonnable de croire que Dieu vit. On en trouve mille preuves dans la nature.

Notre époque a produit de grandes découvertes et de grandes explorations scientifiques. Plus l'homme examine l'univers de près, plus il est convaincu de l'existence d'un ordre et d'un système dans la création, depuis l'atome le plus petit, depuis la cellule d'un organisme vivant, jusqu'au grand univers lui-même.

N'est-il pas raisonnable, de croire que c'est aux personnes qui ne croient pas en Dieu qu'il appartient de prouver leur croyance? Il y a trop de preuves qu'il existe.

Finalement, il y a la révélation directe à l'homme, qui établit le fait, une fois pour toutes, que Dieu vit. Il y a de nombreuses révélations. Nous en avons mentionné plusieurs dans l'Ancien Testament de la Sainte Bible. Pouvez-vous en citer d'autres?

Le Nouveau Testament renferme aussi des preuves remarquables de la nature de la Trinité. Il y a l'évènement du baptême de Jésus. Lorsqu'il sortit des eaux du Jordain, la voix du Père se fit entendre, disant; Celui-ci est mon Fils bien-aimé, en qui j'ai mis toutes mon affection. Et à cette occasion un colombe apparut, symbolisant la présence du Saint-Esprit. (Matt. 3:16-17)

Lorsqu'Etienne fut lapidé à mort par une foule déchaînée et cruelle, les cieux s'ouvrirent, et il "vit la gloire de Dieu et Jésus-Christ debout à la droite de Dieu." (Actes 7:54-60)

Nous trouvons d'autres dans la révélations directe, certaines tirées du Livre de Mormon. Il y a d'autres preuves, telles les visions du Prophète Joseph Smith, seul, aussi en compagnie de Sidney Rigdon et d'Olivier Cowdery. Dans tous ces cas fut révélée la vraie nature de Dieu, personnage de corps et d'esprit, aimant ses enfants, bon, bieuveillant et tout-puissant.

Ce sont là les Dieux que nous adorons: le Père Eternel, qui nous a créés et à qui nous prions; son Fils, Jésus-Christ, notre Rédempteur ou Sauveur, au nom duquel nous prions, et le Saint-Esprit.

Soumis par l'Ancien Toni Stone

Te Basileia O Te Atua.

(Tufaa 2)

"E ua haapao oia i te tahi pae ei Aposetolo, e te tahi pae ei Peropheta." (Ephesia 4:11.)

I te ava'e i mairi a'enei ua faaite atu ia vau i na tumu e 3 ta'u i ite e, o te Basileia o te Atua ra, o te Ekalesia ia a Iesu Mesia i te Feia Mo'a I Te Mau Mahana Hopea Nei, tei parau noa hia e Momoni, e teie taua na tumu e 3 ra.

- (1) Te vai mau nei te Aposetoloraa e te Perophetaraa;
- (2) Te vai mau nei te Autaha'araa Mo'a;
- (3) Te vai mau nei te Heheuraa Parau Mau.

I teie nei, e tatara rii na tatou i te tumu hoê, oia hoi, Eaha mau te auraa o teie nei paran, te Aposetoloraa? Te Apasetoloraa nei, e i'oa ia tei mairihia, e Iesu iho, i nia i ta'na mau pipi tino ahuru e ma piti. (A tai'o i te Luka 6:13.)

Eaha te Aposetoloraa? O te hoê ia pūpū taata (12) ta Iesu iho i haamana no te raveraa i ta'na iho mau ohipa, i te pororaa i te Evanelia e i te faaora i te ma'i, ma te ore roa e tia ia rave i te moni. (A tai'o i te Mataio 10:1-10.)

Eaha te Aposetoloraa? O te hoê ia mau ite mau no Iesu iho. Ua riro te Aposetoloraa ei mata no Iesu, i te ao atoa nei; (A tai'o i te Ohipa 1:8.)

Eaha te Aposetoloraa? E melo ana'e ia ratou i nia iho i te tino o te Ekalesia a Iesu iho. (A tai'o i te I Korinetia 12:27-28.)

Eaha te Aposetoloraa? O te hoê ia pūpū taata, ta Iesu iho i horoa'tu i te taviri no to'na ra Basileia, i te ao atoa nei, e tei ia ratou ana'e te taviri e matara ai te Basileia o te Atua i te fenua nei. (A tai'o i te Mataio 16:18-20; 18:18.) Teie ia te tai'oraa o te Buka Fafau i te pene 107:40: *"Te horoa'tu nei au ia outou, i tau tavini ia Birigama Youne, ei*

Peresideni i nia iho i te Apooraa Hahaere hoê ahuru e ma piti Aposetolo; o te reira ahuru e ma piti o te mau ia i te mau taviri no te iritiraa i te mana no to'u ra Basileia i na otia e maha o te fenua nei."

Eaha te Aposetoloraa? E maramarama ia no te Basileia o te Atua i teie nei ao, a ohu ai teie nei ao i roto i na marama e (12), i te hoê matahiti, e ua riro te reira ei hoho'a no roto mai i te Basileia o te Atua, oia hoi, na Aposetolo e 12. (A tai'o i te Mataio 5:14.)

Eaha te Perophetaraa? O te Perophetaraa nei, o te hoê atoa te reira melo i nia iho i te tino o te Ekalesia a Iesu iho. (1 Korinetia 12:27-28.)

Eaha te Perophetaraa? O te hoê ia taata tei maitihia hou oia i fanauhia mai ai. (Ieremia 1:4-5.)

Eaha te Peropheta? Ua riro te Peropheta ei vaha no te Atua, i nia i te fenua nei, no te faaite i ta te Atua mau parau mo'a. (A tai'o i te Amosa 3:7.)

Eaha te Peropheta? O te Hi'o ia na te Atua i nia i te ao nei. [A tai'o i te I Samuela 9:9. Buka Fafau 107:39.] Ua na ô mai te tai'oraa o te reira: "Te horoa'tu nei au ia outou, i ta'u Tavini ia Iosepha Semita, ei Peresideniraa i nia iho i ta'u Ekalesia paatoa, ei iriti parau, ei faaite i te parau beheuraa, ei Hi'o e ei Peropheta."

Ua patu-atoa-hia outou, te ofai ora ra, ei fare varua, ei autahu'araa mo'a, ei hopoi i te tusia varua e au i te Atua ia Iesu Mesia. (1 Petero 2:5.)

I teie nei ra taima e tatara ia tatou i te tumu 2, oia hoi, Eaha te Autahu'araa e to'na auraa?

O te Autahu'araa nei o te hoê ia tino pohe ore, aita e metua tane, aita atoa e metua vahine, aita to'na e haamataraa, aita atoa e hopearaa to'na; e vai noa oia e'a muri noa'tu. (A tai'o i te Hebera 7:1-3.)

Eaha te Autahu'araa? O te hoê ia mana ta Iesu iho i horoa'tu i te mau Aposetolo. (A tai'o i te Mareko 3:13-15.)

Eaha te Autahu'araa? O te hoê ia mana tei horoahia, i te taata nei, ia tia i te taata nei ia mono atu i te Atua, i nia iho i te fenua nei, no te raveraa i Ta'na mau ohipa i ōnei, no te mea aita roa e tia, Ia'na, ia tae tino mai no te faatereraa i Ta'na ra mau Ohipa. Na roto i teie nei mana Autahu'araa, tei horoahia i te taata nei, to te taata nei riroraa ei mono no te Atua, i nia i te fenua nei. (A tai'o i te Mataio 28:19-20; 18:18.)

Eaha te Autahu'araa? E taviri mana ia te reira, no te mea, o te taviri ia te reira e tia'i, i te taata nei, ia iiti i to te Atua Basileia i nia i te fenua nei, e i nia atoa hoi i te ra'i. (A tai'o i te Mataio 16:18-20 e te Buka Fafau 107:18, o tei na ô mai: Te puai e te mana o te Autahu'araa teitei, oia hoi te Autahu'araa a Melehizedeka, o te mauraa ia i te mau taviri o te mau haamaitairaa atoa, no te pae varua, o te Ekalesia.)

Eaha te Autahu'araa? Te reira ana'e te mana te tia ia rave i te mau Oro'a mo'a atoa i roto i te Ekalesia mau a Iesu Mesia, i te ao atoa nei. (A tai'o i te parau no te faatoroaraa-hia o Paula, e Baranaba, i roto i te Ohipa 13:1-3; a tai'o atoa na i te parau no te tuuraa o te rima no te horoaraa i te Varua Maitai, ta Petero e Ioane i rave, tei papaihia i roto i te Ohipa 8:14-17; a tai'o atoa na i te parau no to Paulo baptizoraa, i raro i te pape, e te tuuraa i te rima no te horoaraa, i te Varua Maitai, tei papaihia i roto i te Ohipa 19:1-4.)

No reira, te Ekalesia aita ia'na teie nei mana no te Autahu'araa, eita roa ia e tia ia'na ia rave i teie nei mau Oro'a mo'a, mai tei faaitehia e Paulo i roto i te Hebera 5:4.

Te faaite atu nei au e, tei teie ana'e Ekalesia te reira mana i te vairaa, no te mea ua faoho'ihia mai te reira i te Peropheta ra, o Iosepha Semita, i te 18 o te tenetere mai te taeraa mai â o Iesu Mesia i nia i te ao nei, e i te ava'e no Me e Tiunu, na roto mai ia Ioane Bapetizo, e o Petero, Iakobo e o Ioane ra, te mau Aposetolo tahito ra.

No reira, i to'u faarooraa, i te hoê ahiahi Sabati, i nia i te Radio Tahiti, i te hoê Orometua i te tuuraa mai i teie nei tuuraa reo e, "Aita e tia i te taata ia horoa'tu i te Varua Maitai", tupu ihora to'u aroha ia'na no te mea, aita ihoa e tia i te taata ia rave i teie nei ohipa no te tuuraa o te rima, maori ra ia faauehia oia e te Atua, mai ia Iosepha Semita ana'e i teie nei tau hopea nei. (Buka Fafau 20:2, o tei papaihia mai teie i muri nei: "I horoahia hoi taua mau faaueraa ra ia Iosepha Semita, o tei maitibia e te Atua, e tei faatoroahia ei Aposetolo na Iesu Mesia.")

Na to outou taeae i te faaroo o Marurai â Mahuru.

Te Tatararaa I Te Auraa O Te Faaroo.

Ua na ô atura o Paulo i te ati Hebera, "Aore e faaroo ra e ore roa oia e mauruuru: o te haamori i te Atua ra, e faaroo oia e, e Atua e tia'i, e o oia te faautua i te feia iimi papu Ia'na ra." [Hebera 11:6]

E i teie nei e ui atu vau ia outou e, eaha mau ia te faaroo i te Atua? E ite noaraa paha e, te ora nei Oia? E itehia anei te reira i roto i te mafatu o te hoê e faaite mai e, e faaroo To'na e aore roa e tau nei i te huru o To'na ra oraraa no te faatano atu i te reira i te tumu e te faaoti hoi i to tatou faaroo?

Ua na ô mai te Fatu i te tahi taime; "E ore te feia e parau mai ia'u ra e "e te Fatu, e te Fatu, e hope paatoa i te tae i te basileia ra o te ao, o te taata ra i haapao i te hinaaro o Ta'u Metua i te ao ra." [Mataio 7:21] Ua horoa'toa mai Oia i te faaueraa rahi matamua, oia hoi, "hinaaro oe i to Atua ia Iehova ma to aau atoa, e ma to varua atoa, e ma to mana'o atoa." [Mataio 22:37]

E mea papu te here nei te mau taata, tei parau e faaroo to ratou i te Atua, no te mea ua fanauhia mai te here no roto mai i te faaroo. Eaha ia te auraa o te parau e, ia here tatou i te Fatu ma to tatou aau atoa, ma to varua atoa, e ma to mana'o atoa?

No te feia tei faaite e, te here ra ratou la'na, ua na ô mai te Fatu e, "Ua hinaaro outou Ia'u ra, e haapao ia i Ta'u parau. Tei ia'na Ta'u parau e ua haapao oia i taua parau ra, oia tei hinaaro mai ia'u" [Ioane 14:15,21]

Pou T. Moo

PARAU RII API

Na Metua O Maratini Orometua

I te taeraa mai o te pahi ra, o Mariposa, ua tae atoa mai na Metua o Maratini Orometua, e to'na atoa ra hoi Tuahine. Ua tae atoa atu te Peresideni, e to'na ra hoa e te mau Orometua atoa, e tae noa'tu hoi i te mau melo atoa o te amaa no Papeete, i nia i te uahu no te farii atu ia ratou.

Ua tupu roa te oaoa o Maratini i te farereiraa i to'na ra utuafare. E ua oaoa atoa te mau melo, o te Amaa, no te mea ua matau te pae rahi, o ratou, i te Metua tane o Maratini i te tau a Orometua ai oia, i teie paeau moana nei.

I taua po ihora ua faatupuhia te hoê fariiraa, no Maratini Orometua, no to'na ra revaraa'tu i to'na ra fenua ai'a, e ua farii-atoa-hia hoi to'na na Metua e to'na atoa ra hoi Tuahine. Ua oaoa roa ratou i te mau ohipa tei faatupuhia no ratou e tae noa'tu i te mau tao'a rii aroha a te Amaa no Papeete, oia hoi, te Amaa Tahiti, e Amaa Farani atoa hoi.

E ua faaite mai ratou i to ratou mau mana'o oaoa, e te mauruuru rahi hoi no te mau ohipa tei faatupuhia i taua po ra. Aita atoa i moe roa te parau Tahiti ia Viriamu, e

Ua himene mai oia i te tahi himene tarava Tahiti. E ua ataata roa te mau taata i to'na himeneraa, no te mea e mea fifi no to'na maoro i te faarueraa i te re'o Tahiti.

Te parau atu nei te Heheuraa Apî ia oe, e Maratini, e to oe na Metua e to oe atoa hoi Tuahine, ia haamaitahia outou e te Atua i to outou tereraa roa.

Te Heheuraa Apî.

E I'a Taero Mau Te Fee "Kanoë"

A parahi ai au i Hao, tupu ihora to'u hinaaro i te haere e tai'a, no te maramarama o te ava'e, no reira, rave ihora vau i te mati, e te tipi; e haere atura vau e rama. E inaha, ite ihora vau i te hoê fee [kanoë] nainai i nia i te hoê ofai, tapu ihora vau i te reira i ta'u tipi e haru ihora i taua fee ra, e i to'u haruraa i te reira te hauti noa'ra oia i roto i to'u rima e ua hohoni ihora oia i to'u rima, no na taime e piti, e i te reira ihoa taime haamata atura te mauini, e no to'u mauini hohoni atoa'tura vau i taua fee ra ma te horo atu i nia i te fenua, e i reira to'u hi'oraa i te taero o taua fee ra, ua ereere roa te vahi i hohonihia e ua uriuri roa te taatoaraa o to'u rima, e ua oru atoa to'u rima e ua haamata te taero i te haere i nia.

I reira haere vitiviti atura vau i te fare e ua taamu i te hoê tauera no te tapea i to'u poro rima, e no te puai o te mauini ua haere au e faaara ia Teipo, o tei horoa mai i te hoê mohina Penicilline na'u, e ua maere roa oia i te iteraa i teie ati to'u i to'u faaiteraa'tu e, ua hohonihia vau e te hoê fee, e ua maere atura oia mai te ani mai e, mai te hea te rahi o te reira fee. I reira ua tapapahia o Turuma no te patia i te Penicilline e riro atura te reira ravea no te haamaru i te puai o te taero.

Noa'tu e, ua maru te taero, ua vai noa ra te uriuri, e te oru o to'u rima no na mahana e 15 ra, e na te reira i faaite mai i te puai o to'na ra taero, e ua parauhia te reira fee i te i'oa ra e Tararo.

Tu Keha á Menemene.

Te Tauturu Hoê O Te Peresideni Davida O. Make

Ua tae mai nei te parau apî o tei faaite mai e, ua pohe roa te tauturu hoê o te Peropheta ra, o Davida O. Make, i te 20 no Me, oia hoi o Setephano Riteti [Stephen H. Richards.] E te ma'i oia i pohe ai, e ma'i mafatu ia.

E taata maitai, e te haehaa hoi oia, e ua rave maitai oia i ta'na ohipa.

I te ava'e i mua nei e faaite hia'tu ai to'na mau parau tuatapaparaa.

Te Hoho'a No Ta Tatou Ve'a. Te Fare Mataua O Te Feia Mo'a I Utaha.

I te taeraa mai o te Feia Mo'a, i te peho i Roto Miti, i te matahiti 1847 ua haamata ratou i te faatiaraa i to ratou mau fare. Na roto i te tautururaa, o te tahi i te tahi, ua rave rahi te mau fare tei faaotihia i taua matahiti iho ra. Te itehia nei, i roto i ta tatou hoho'a, te hoê o te mau fare matamua, i nia i to'na vairaa i te poro i te pae apatoa i te hitia o te râ ra, i roto i te aua o te Hiero i Roto Miti. Ua hamanihia te hoê tapoi, i nia i taua fare, no te paruru i te reira i te mau vero, e te u'a e hiona, ia tia i te mau taata mataitai "touristes" ia hi'o mata i te huru o te mau fare matamua tei faatia hia i reira.